



Na osnovu čl. 22. i 23. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", br. 9/07 - Prečišćeni tekst, 7/08 i 33/08) i Uredbe o finansiranju programa za otvaranje radnih mjesta za braniocce, ratne vojne invalide, porodice šehida i porodice poginulih, umrlih i nestalih branilaca ("Službene novine Kantona Sarajevo", br 31/06, 20/09 i 20/11), Ministarstvo za boračka pitanja Kantona Sarajevo **raspisuje**

JAVNI OGLAS

za podnošenje zahtjeva za dodjelu pozajmica za finansiranje programa za otvaranje radnih mjesta za braniocce, ratne vojne invalide, porodice šehida i porodice poginulih, umrlih i nestalih branilaca u 2012.godini

1. Predmet javnog oglasa:

Podnošenje zahtjeva za dodjelu pozajmica za finansiranje programa za zapošljavanje demobilisanih boraca, vojnih invalida i članova porodica šehida i poginulih boraca sa područja Kantona Sarajevo.

2. Pravo učešća:

Pravo podnošenja zahtjeva za dodjelu pozajmica za finansiranje programa za zapošljavanje demobilisanih boraca, vojnih invalida, članova njihovog porodičnog domaćinstva i članova porodica šehida i poginulih boraca imaju pravna i fizička lica sa područja Kantona Sarajevo, koja imaju registrovanu samostalnu radnju ili neki od oblika privrednih društava za obavljanje ili pokretanje proizvodno-uslužnih djelatnosti, uz uslov da zaposle jedno ili više lica - pripadnika boračke populacije.

3. Uslovi za dodjelu pozajmica:

- Pravo na pozajmicu mogu ostvariti sva pravna i fizička lica koja otvaraju nova radna mjesta i planiraju zapošljavanje pripadnika boračke populacije, odnosno lica iz člana 1.i 2. Zakona o dopunskim pravima boraca-branitelja Bosne i Hercegovine.
- Pozajmice se odobravaju u visini do 20.000,00 KM po novouposlenom radniku, a najveći iznos po navedenom osnovu za pojedinačni program može se odobriti do 200.000,00 KM.
- Pozajmice se odobravaju na period od 96 mjeseci (8 godina), u okviru čega je grejs period od 12 mjeseci, sa kamatom od 3% na godišnjem nivou. Od ukupnog iznosa odobrenih sredstava najmanje 50% sredstava plasira se u stalna sredstva, a najviše 50% u tekuća-obrtna sredstva.
- Za obezbjeđenje urednog vraćanja pozajmice korisnik pozajmice je dužan osigurati slijedeće instrumente:
 - a) za pozajmice do 20.000,00 KM, jemstvo dva žiranta i mjenice;
 - b) za pozajmice preko 20.000,00 KM, založno pravo na nepokretnosti (hipoteka) zasnovano putem Suda u omjeru 1:2 i mjenice.

4. Podnošenje zahtjeva za dodjelu pozajmice:

- Zahtjevi za dodjelu pozajmice podnose se Ministarstvu za boračka pitanja Kantona Sarajevo, ul. Reisa Džemaludina Čauševića br.1, 71000 Sarajevo.
- Uputstvo o načinu dobijanja i korištenja pozajmica za finansiranje programa za otvaranje radnih mjesta za braniocce, ratne vojne invalide, porodice šehida i porodice poginulih, umrlih i nestalih branilaca se može dobiti u pisarnici Kantona Sarajevo (na info punktu) i u prostorijama Ministarstva za boračka pitanja Kantona Sarajevo (soba br.13) ili se preuzeti sa internet stranice Ministarstva za boračka pitanja: mbp.ks.gov.ba .

5. Potrebna dokumentacija:

- Zahtjev za pozajmicu, koji treba da sadrži: puni naziv tražioca pozajmice sa adresom i kontakt telefonom, iznos i namjenu pozajmice, podatke o lokaciji predviđenoj za obavljanje djelatnosti za koju se traži pozajmica, podatke o broju novouposlenih radnika i dosadašnje rezultate poslovanja ako tražilac pozajmice već obavlja djelatnost.
 - Rješenje o registraciji, odnosno kopija sudskog Rješenja ili Rješenja nadležnog općinskog organa o obavljanju određene djelatnosti, a ako se radi o pravnom licu onda i kopija obavještenja Zavoda za statistiku o razvrstavanju poslovnih i drugih subjekata po djelatnostima i o jedinstvenom matičnom broju.
 - Kraći biznis plan, koji mora sadržavati: uvodne informacije-osnovne podatke o tražiocu i opis djelatnosti, predračunsku vrijednost i strukturu ulaganja, rezultate dosadašnjeg poslovanja, tržište nabave repromaterijala i tržište prodaje proizvoda i usluga, ekonomsko-finansijsku analizu i izjavu o uspješnosti projekta na bazi procjene za period od osam godina, kao i strukturu potrebnih radnika (stručna sprema i zanimanje).
 - Bilans stanja i bilans uspjeha, odnosno zadnju prijavu Poreznoj upravi (ako već posluje).
 - Uvjerenje Poreske uprave da nema dospjelih a ne izmirenih obaveza.
 - Pismena izjava o ponuđenim instrumentima urednog vraćanja pozajmice.
 - Druga dokazna dokumentacija: dokaz o pripadnosti boračkoj populaciji za vlasnike radnji ili vlasnike-osnivače privrednih društava, dokaz o posjedovanju ili zakupu poslovnog prostora, dokaz o posjedovanju nekretnine predložene za hipoteku (ZK uložak bez tereta, procjena vrijednosti nekretnine urađena od strane ovlaštenog sudskog vještaka, izjave jemaca i dr.), te druga dokumentacija koja može biti naknadno zatražena od strane Ministarstva za boračka pitanja ili poslovne banke.
 - Podnosioci zahtjeva iz 2011.godine, čiji zahtjevi nisu riješeni zbog nedostatka sredstava ili nepotpune dokumentacije, dužni su svoje zahtjeve obnoviti i dopuniti nedostajuću dokumentaciju. Isti su dužni priložiti Bilans stanja i Bilans uspjeha za 2011.godinu, odnosno zadnju prijavu Poreznoj upravi o razrezu poreza za 2011.godinu (ukoliko već posluju), kao i novo Uvjerenje Poreske uprave da nemaju dospjelih a ne izmirenih obaveza.
- *Uz zahtjev za dodjelu pozajmice, pored naprijed navedene dokumentacije, podnosioci zahtjeva su dužni priložiti i ovjerenu Izjavu o saglasnosti za obradu ličnih podataka, koja se može preuzeti u pisarnici Kantona Sarajevo - na info punktu Ministarstva za boračka pitanja.*

6. Procedura odobravanja pozajmica:

- Nakon prijema zahtjeva, Komisija Ministarstva za boračka pitanja Kantona Sarajevo za rješavanje zahtjeva će vršiti provjeru ispravnosti dokumentacije po zahtjevima i utvrđivati ispunjenje osnovnih uvjeta za odobravanje pozajmice, te iste sa kompletnom dokumentacijom dostavljati na dalju obradu poslovnoj banci, sa kojom za ove namjene u 2012.godini bude zaključen ugovor o komisionom poslu.
- Stručna služba banke obrađivat će zahtjeve i svoje stručno mišljenje sa prijedlogom za odluku dostavit će Ministarstvu za boračka pitanja Kantona Sarajevo, a koje će Komisija za rješavanje zahtjeva razmotriti i svoj konačni prijedlog po svakom obrađenom zahtjevu dostaviti ministru za boračka pitanja, koji donosi konačnu odluku.
- Po odobravanju pozajmice poslovna banka zaključuje ugovor o pozajmici sa korisnikom pozajmice, a sredstva za pozajmicu će biti realizovana i plasirana korisniku u skladu sa odlukom i zaključenim ugovorom o realizaciji pozajmice, nakon što ista budu doznačena od strane Ministarstva za boračka pitanja Kantona Sarajevo na račun poslovne banke.
- Podnosioci zahtjeva kojima se odobri pozajmica (korisnici pozajmice) će biti dužni da u toku trajanja grejs (grace) perioda Ministarstvu za boračka pitanja Kantona Sarajevo dostave urednu dokumentaciju o zapošljavanju predviđenog broja radnika, koji moraju biti lica iz člana 1. i 2. Zakona o dopunskim pravima boraca-branitelja Bosne i Hercegovine ili članovi porodičnog domaćinstva ovih lica. Po ovom osnovu podnosioci zahtjeva, na čije zahtjeve poslovna banka bude dala pozitivno mišljenje i preporuku za odobravanje

pozajmice, bit će dužni sa Ministarstvom za boračka pitanja zaključiti sporazum o saradnji u zapošljavanju branitelja, ratnih vojnih invalida i članova porodica šehida i porodica poginulih umrlih i nestalih branitelja, i članova njihovog porodičnog domaćinstva.

- Zahtjevi koji budu rješavani u 2012.godini odobravat će se i realizovati prema redosljedu prijema, a u skladu sa dinamikom obrade istih od strane poslovne banke i dinamike obezbjeđivanja sredstava planiranih za ove namjene.

➤ **Prioritet kod rješavanja zahtjeva imat će zahtjevi podneseni od strane samostalnih radnji ili privrednih društava za obavljanje ili pokretanje proizvodno-uslužnih djelatnosti, čiji su vlasnici ili osnivači pripadnici boračke populacije.**

7. Sredstva za dodjelu pozajmica:

Finansiranje programa zapošljavanja za otvaranje novih radnih mjesta planirano je u Budžetu Kantona Sarajevo za 2012.godinu, iz primitaka i kreditnih sredstava predviđenih za ove namjene, u ukupnom iznosu do 600.000,00 KM. Ova sredstva mogu biti umanjena ukoliko se u Budžetu Kantona za 2012.godinu ne obezbjede sva planirana sredstva.

8. Rok za podnošenje zahtjeva za pozajmice:

Rok za podnošenje i dopunu zahtjeva za dodjelu pozajmice trajat će od 22.02.2012.godine do 31.07.2012.godine.

9. Napomena podnosiocima zahtjeva:

- Dokumentacija podnesena uz zahtjev se neće vraćati podnosiocu, te se sugeriše podnošenje ovjerenih fotokopija potrebnih dokumenata.
- Nepotpuni zahtjevi se neće uzimati u razmatranje i kao takvi će biti odbijeni.
- Za nejasnoće i konsultacije svi zainteresovani se mogu obratiti i putem telefona na broj +387 (0) 33/562-008.

Broj: 06-14-3106/12
Sarajevo, 17.02.2012.god.

MINISTAR

Doc.dr. Nedžad Ajnadžić



web: <http://mbp.ks.gov.ba>
e-mail: minbopi@ks.gov.ba;
Tel: + 387 (0) 33 562-012, Fax: + 387 (0) 33 562-251
Sarajevo, Reisa Džemaludina Čauševića 1

